



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Veteris Hominis Per Expensa Quatuor Novissima
Metamorphosis, Et Novi Genesis**

Stanyhurst, Guillaume

Coloniae, Anno 1702

VD18 1237699X

Caput IV. Bene expensus descensus è cælo supremi Judicis, erit ascensus
ad cælum novi hominis.

[urn:nbn:de:hbz:466:1-51849](#)

qua pro inimicis Patrem orasti , la-
troni paradisum promisisti , Patri
spiritū reddidisti , ut hæc Crux in die
Judicii sit nobis instrumentum vitæ ,
non mortis ; salutis , non perditionis ,
clavis denique cæli , ubi tecum æter-
num regnemus , qui regnasti à ligno .

CAPUT IV.

*Bene expensus descensus è cælo supremi
Judicis , erit ascensus ad cælum
novi hominis .*

Quidquid hactenus de supremo Ju-
dicio , de die Domini magno , de
tremenda illa cælo , terræque , Divi-
næ Justitiæ tragædia , vel à me di-
ctum , vel à te fuit lectum , non fuit nisi
quoddam ad ea quæ sequuntur , leve
præludium . Quod enim in hoc argu-
mento est impiis maximè formidan-
dum , est ipsa formidinis plena Judi-
cis persona . Postquam Deus gravissi-
ma intulisset supplicia Samaritanis ,
quasi hactenus illis pepercisset , mox
subjungit . Postquam autem hæc fece-
re tibi , præparare in occursum Dei tui .

Ac

Ac si dicat Deus. Hactenus cum igne,
cum fame, cum bello, cum elemen-
torum omnium in vos conspirantium
furore, & similibus plagis luctati estis:
velites illi fuere, & quasi levioris ar-
maturæ milites ! nunc ventum est ad
triarios, jam imminet pugna decreto-
ria, nunc cum Deo tibi, non cum Dei
creaturis, sine aliqujus interventu, a-
gendum est. *Præparare in occursum*
Dei tui. Instar umbræ aut picturæ sunt
pœnæ hucusque recensitæ, si cum pœ-
nis tibi in occurso Dei inferendis com-
parentur. Ab enervi & imbecilli crea-
turæ brachio molles tantum ictus ac-
cepisti: in occurso Dei tui Judicis, vul-
nera senties à gigantea, ab omnipo-
tentे illata manu. Dominus Deus ex-
ercituum nomen illi. *Præparare ô mi-*
ser in occursum Dei tui. Modò, quali,
quantoque, & quam formidando cum
apparatu & gloriæ pompa venturus
sit, erie stupor audire, horror cogita-
re. Certum est ad majorem for-
midinem incutiendam reprobis, ignē,
Judicis adventum antecessurū. Quod

ex

ex regio Vate est nimis quam explo-
ratum. [a] *Ignis ante ipsū præcedet, &*
inflammabit in circuitu inimicos ejus.
Et eodē Ps. *Ignis in conspectu ejus ex-*
ardescet, & in circuitu ejus, tempestas
valida. Sublimiori adhuc cothurno
ambulans tragicus Orator Isaias, exag-
gerat à quadā eloquentiā eundē hunc,
de quo agimus, terribilem apparatum
Judicis describit. [b] *Ecce Dominus in*
igne veniet, & quasi turbo quadriga ejus,
reddere in indignatione furorem suum,
& increpationem suam in flamma ignis,
quia in igne Dominus dijudicabit, & in
gladio suo ad omnem carnem. Quis non
horreat, audiens flammicas quadrigas,
ignea carpenta, fulminatrices rotas, a-
tram caliginem, procellosos turbines,
validā tempestatē, & id genus alia tri-
stia Justitiae instrumenta? Ex quibus
verbis, aliisq; similibus, hic rerū gerē-
darum ordo elici potest. Cūm primū
Angeli cum crucis coruscante vexil-
lo, aliisque insignibus porpeſſionum
Christi

a Psalm. 96. 3. & 4. b Cap. 66. 15.

Christi apparuerint, ignē è cælo ubique fulgurante ruiturum, eumque latè in omnes terræ fines, hominibus desertos, devolaturum; & omnia circumquaque opera hominum, si qua prioribus cladibus superfuerint, infestum devoraturum, tanto ardore, ut montes ipsi instar ceræ liquecant. Interim Judicium magna celeritate fiet, dum ignis properando aut provolando potius eò perveniet, ut in circuitu Judicis, inimicos inflammet; Et cùm primū ejus decreto, æternis ignibus addicti fuerint, eos flamma circumvoluta corripiat, tellusque horrendum dehiscens, excipiat in ima terræ viscera, ipsumque Tartarum præcipiti casu proruentes, cum flammis quæ stagnum efficient ignis, & sulphuris tot corporum mergendorum & crueiandorum capax. Cæterum Evangelistæ majestateim, qua Iudex Deus è cælo veniet ita describunt, ut cogitare possimus tanquā ante ambulones Angelos, Archangelos, & Potestates, & Principatus, omnesque cœlestium

DE JUDICIO. 109

estium Virtutum choros , armis Di-
vinæ Justitiæ consentaneis accinctos.
Hos præbit Archangelus Michael di-
stricto fulgurante gladio , tanquam
summi Regis armiger. Cœlestem
hanc cohortem severo vultu Apostoli
consequentur , non jam martyrii quo
quisque imperfectus est insignibus o-
stentatis , sed judiciariâ potestate. [a].
Et gladii anticipites in manibus eorum ad
faciendam vindictam in nationibus , in-
crepationes in populis. Ponè sequetur
B. Virgo non Matris misericordiæ , &
peccatorum refugii prænotata titulo ,
sed severitatis in eosdem demonstra-
tione formidabilis. Vestis illius pur-
purea , indicabit columbæ sine felle
olim nobis notam mansuetudinem ,
eo die in sanguineam leenæ feritatem ,
contra peccatores convertendam.
Hæc secum reputans Malachias , in-
tuitus comitatum igneum , & feralem
Divini Judicis , sudoris anheli vi ma-
gna , & capillorum sese arrigantium
tremore concussus , clausit oculos , ne

G

illo-

a Psal.14.99.

110 DE JUDICIO.

illorum faceret jacturam , faciemque
alio avertit. Atq; ne quis tanti timoris
causam miretur, ait: [a] *Quis stabit ad*
videndum eum, &c. Ipse enim quasi ignis
confans. Quasi dicat : Quidquid
vidi, ignis erat, flamma, incendium.
Imò verò metus, qui ab illa flamma,
tempestate, & metuenda Judicis ma-
jestate incutietur, tantus erit, ut Isaías
*dicat [b] *Ingredientur (nimirum im-**
pii) in scissuras petrarum, & cavernas
saxorum : & in voragini terræ, à facie
formidinis Domini, & à gloria maje-
statis ejus, cùm surrexerit percutere ter-
ram. Quis non obstupescat, juxta
ac horrebat, dum audit de hoc Judice
*loquentem Job ? [c] *Quis mibi hoc tri-**
buat, ut in inferno protegas me, & ab-
scendas me, donec pertranseat furor
tuis ? Quid sibi vult hoc Iobi votum ?
Solenne est omnibus, qui in extremo
versantur discrimine vitæ, ut ad se-
curum confugiant locum, convolent
ad asylum, ubi amicorum tutela pro-
tegantur. Sed quæ securitas sperari
potest

a cl.3. b Isa.2. c Job.13.14.

potest in ipsa Divinæ Justitiæ ferali officina : in malorum omnium , quæ ab homine timeri possunt , domicilio in illo ergastulo , ubi Deus omnis furoris sui indignantis effundit habendas ? in illo loco , ubi nulli sunt nisi capitales Dei inimici , Animarum tortores , corporum tyranni , uno verbo , in inferno ? Infernus est misericiarum omnium receptaculum , non miserorum refugium . Quomodo illum protegent juratissimi ipsius hostes , qui eum tot calamitatibus hic in terris involverunt , facultatibus exuerunt , fortunis spolarunt , ulcere pessimò per totum corpus percusserunt . Dæmones inquam ? Solent illi homines non servare , sed perdere ; non protegere , sed interficere . Tamen Job cum non nesciret , quam foret res plena immensi cuiusdam horroris , intueri vultum irati Judicis , & coram ejus tribunali præsentem se fistere , mitius illi videbatur vel in ipso horribilium omnium horribilissimo loco , Inferno

ii2 DE JUDICIO.

commorari, ibique inter truculentos
animarum carnifices cacodæmones
versari, & ab iis cruciari, quām Deum
Judicem, ex arcuata nube in impios
fulminantem contemplari.

OBSERVATIO MORALIS.

Quis nostrum hoc timet? Forsitan
intra triduum, infelix, coram horri-
bili illius tribunalit citaberis, quo
condemnatus ad Inferos detruderis,
perpetuis pœnis cruciandus! Mori-
tamen cùm ita vicinus sis, rides, la-
scivis, gestis, in ipso æternitatis limi-
ne jocaris, in ipso prope naufragio
cantas, in ipso unde dejiciendus es pa-
tibulo, tripudias. Nunquam iram
Judicis animo volvis, ne dum tibi
eum propitium reddis. Sed quid ver-
sipellis ille sathan, præstigiis te suis
circumventum fascinat? Omni quip-
pe ratione conatur hanc hominum a-
nimis extremi Judicii memoriam per-
nitus eradere, Quod insigni similitu-
dine S. Antonius Patavinus [a] illu-
strat. Solent, inquit, bombices tan-
to per

a In Ser. quod.

toperè tonitru perhorrescere , ut ejus
auditō fragore statim emoriantur , &
ipse glomus iis loco sepulchri sit. At
qui bombyces alunt , quo eos ab inte-
ritu eripiant , sonitu quodam exiguō
quotidie exitato eos ad majorem fra-
gorem excipiendū assuefacere solent ,
ne cùm repente forsitan tonitriū fra-
gor insonuerit , confessim emorian-
tur : Eādem planē industriā , ne di-
cam versutiā utitur & adversarius no-
ster diabolus : quippe cùm probè no-
rit nil magis ad peccata in animis suf-
focanda , & extinguenda conducere ,
quam sonitum , strepitum , tonitru , &
fragorem Divini Judicij ; omni ratio-
ne conatur ea ad mundi crepitacula ,
id est , ad exiguos & fractos vanitatis ,
inanis gloriæ , & ambitionis tinnitus
assuefacere , ut postea rei adeò necef-
fariæ memoria amissâ , etiam si Divi-
norum Judiciorum fragorem ex con-
cionatoris detonantis ore excipient ,
parum , aut nil moveantur , vitam-
que securè sine ulla prorsus formidine
traducant ; & sanè solent mundi hu-

jus

jus fragores & strepitus quibus nos
diabolus assuefacit , aures nobis ob-
tundere , ne Divinorum judiciorum ,
quæ instar tonitruū reboant sonitum ,
aut fragorē audire valeam⁹. Nos con-
tra , non tantum Divini Judicii toni-
trua è pulpito attentis excipiamus au-
ribus , sed & tacitis imprimamus
mentibus , sæpè in memoriam revo-
cantes , quām exacta , rigida non tan-
tum de gravibus , sed levissimis , non
tantum de maximis , sed de minimis
reddenda sit ratio delictis. Ita ut ausus
fuerit dicere Isidorus. *Ad districti Ju-
dicis examen nec justitia justi secura est.*
*Imò ut Abbas Agaton ait. Si Deus no-
bis imputaret distractiones cordis , &
negligentias , quas in orationibus nostris
& officio Divino incurrimus , salvi esse
non possemus. Non est quod nobis im-
ponamus nostrâ hic scientiâ , pruden-
tiâ , & astutiâ. Quia coram Dei Tri-
bunali nil poterunt , nec valebunt al-
legationes Advocatorum , nil sophis-
mata Logicorum , nil rationes Orato-
rum , nil Aristotelicæ argumenta sub-
tilitatis.*

CA-